

D'ar 24 ha 25 a viz Here e vo lidet 20^{vet} Gouel Levrioù Breizh e Karaez, aozet gant Kreizenn Sevenadurel Egin. Abaoe ur pemp bloaz bennak e tegemer e-tro 10 000 den bewech. Pennadig-kaoz gant ar c'henurzhier Yann Pellet.

20^{vet} Gouel al Levrioù



Petra eo Gouel Levrioù e-keñver sifroù ?

Degemeret e vez ganeomp 85 embanner eus Breizh a-bezh ha 300 skrivagner. Saloñs romantourien Breizh a vez oazet war memes tro, lec'h ma vez pedet un 50 skrivagner bennak eus ar vro pe o deus skrivet diwar he fenn. Abaoe pemp bloaz e chom stabil an niver a weladennerien da 10 000. ur sapre taol brud a zo bet tapet gant Gouel Levrioù Karaez er bloavezh 2000 gant Patrick poivre d'Arvor da brezidant a enor.

Abaoe pell zo e labourit eno ?

Pemp bloaz zo.

An 20^{vet} Gouel a vo er bloaz-mañ. Perak e ra berzh d'ho soñj ?

Savet e oa bet ar gouel e 1989, pa oa start ar jeu dija gant an embann. Saloñs Sant-Brieg a oa o paouez mont da get... Ret e oa aozañ un degouezh all evit lakaat war wel labour embannerien Breizh : sed aze perzh dibar ar gouel a ro e nerzh da'm meno. Un emgav evit embannerien Breizh a-bezh, a-benn diskouez ar pezh zo bet graet ganto eo. Daoust da se e oa start-tre ar gouelioù kentañ, liv ur foar ganto, war plasenn ar marc'had ! Hiziv eo kempennet brav al lec'h ha pep embanner, bihan ha bras, a vez graet war e dro e memes mod.

Traoù ispisial a vo kinniget evit lidañ an zovet gouel ?

DVD ur film sevenet gant Anne Jochum a vo kinniget. E galleg hag e brezhoneg emañ. Reiñ a ra tro da glevet perzhidi kentañ ar gouel, evel Martial Ménard, e penn An Here d'ar mare-se da skouer, pe Jean-Yves Cozan, besprezidant e-karg eus ar sevenadur e Kuzul-departamant Penn-ar-Bed.

Mod-all eo tem gouel ar bloaz-mañ an zo vloaz ! Pedet eo bet an holl re bet brezidanted a-enor abaoe ar penn-kentañ. Herve Bellec zo bet lakaet da brezidant a-enor er bloaz-mañ rak anavezet mat-kenañ eo gant an holl amañ : dek vloaz zo e teu da Garaez bep bloaz !

Komzoù dastumet gant M.L.

Evit gouzout hiroc'h :

<http://festivaldulivre-carhaix.org>


Dremmoù Arrasate

Diwanet eo mennozh ar romant 3 bloaz zo, pa gejas ar skrivagner ouzh Euskariz deuet da Vreizh.

Gouzout a rae avat e oa darempredoù a-gozh etre an div vro. Goude-se ez eas da Euskadi, da soubañ en aergelc'h ar vro ha da gontañ kaoz gant an dud, rak fellout a rae d'ar skrivagner kaout ur sell hollek war emsav Euskadi, ha chom tost ouzh ar gwirvoud, daoust ma n'eus ket fellet dezhañ sevel ul levr stourm. Hag ar pezh a oa un danevell a zeuas da vezañ ur romant.

E 1998 e krog an traoù. Sed neuze istor ur plac'h a Lokronan anvet Lizig Gwiader a zizolo he breizhadelezh e-keit m'emañ war he studioù e Bourdel. Abalamour d'he darempredoù fall gant he zud he deus kavet gwelloc'h pellaat diouzh Breizh, ur vro n'anavez ket e gwirionez. Eno e kej ouzh Koldo Ibarra, un Euskarad, ha setu-hi krog da zeskiñ euskareg ha da sevel he bugale e yezh ar vro, a-raok dezhi distreiñ da Vreizh goude bezañ chomet pell diouzh ar vro e-pad 7 vloaz. Ouzhpenn karantez ez eo un emskiant a ziwan dindan daoulagad Yann Lenner. Ur Vreizhadez oc'h adkavout Breizh, petra.

War zigarez un istor karantez e vezer kaset neuze etre div vro, div yezh, daou sevenadur gwallgaset.



Ar skrivagner Youenn Kervalan gant e embanner, Padrig an Habask.

zo vloaz zo bremañ e labour ingal Ronan an Henaff evit Al Lanv. Er gelaouenn en deus kavet titouroù da vagañ e istor, evel ma weler en notennoù kinniget deomp e fin al levr. Ma'z eo kustum da sevel danevelloù ez eo ar wech kentañ dezhañ stagañ gant ur romant, ha unan all a zlefe dont diwar e zorn a-benn nebeut.

R.M.